

重刊西安縣志

西安縣志卷十四

古蹟

蘄春桂鑄西重刊

三古多奇九邱難讀媧皇之柳忽中夜而移河墨胎之薇更長生之在隴後世武夫襲玉膺鼎出塗仙人有并非一葛洪宰相爭墩坐兩安石矣夫西子之宅欲徙苧蘿廣陵之濤頓遷城岸豈往事相馬牛實今人之河漢信安舊迹莫神於樟莫譌於石將軍俱故雨飄出寺之花帝子不來風斷臨江之珮問綠龍而字銷尋朱雀而橋圯夕陽喬木流水空山所由深李

西安縣志

卷十四

古蹟

一

白宣城之感也志古蹟

舊州子城

宏治府志

在城之東東西為兩夾門皆有

樓南設門與麗譙相值環城內有馬路居民築為園圃僉憲曹英開闢橫闊一丈二尺監郡伯顏忽都築為新城今存舊址

信安城

天啟府志

信安故城在西安縣南六里**方輿**

紀要相傳在今城西

程俱九日與叔問登城樓詩雉堞曉登千嶂抱穀波秋淨一溪

斜

盈川廢縣

太平寰宇記

在州南九十五里

方輿紀要府南九十

里 唐如意元年分龍邱縣西桐山玉泉等鄉置按西

有刑溪陳時士人畱異陳書畱異傳梁元帝以異為信安令惡溪有刑

名改曰盈川蓋取盈滿之義因為盈川縣元和七年

正月又廢此縣以其地併入信安舊志在縣東四十

里上寰宇記方輿紀要里數皆誤城址仿佛猶存有祠祀盈川令楊

炯又有舊城隍廟其下潭水至深丹崖翠壁牧唱漁

歌上下不絕陸律詩茲地舟行數懷人思惘然盈川經此日流水自唐年廢邑叢春草荒山

入暮煙昔賢不可作開筇讀遺編李應陽詩五月盈川道蕭然水石幽開篷納風氣鼓櫂濺灘流渚鳥間

於客巖松澹似秋揚侯為宰日秀句滿滄洲文正詩川流瀾瀾起輕波一片寒煙引櫂過才子從來為傲

西安縣志

卷十四

古蹟

二

吏風光今日付漁歌碑殘冷蝶飛秋草堞壞饑鷓噪女蘿采采蒹葭何處是艾公洞口夕陽多

宋西安縣舊治 舊志舊治在先義坊距府治五十步

又謂在子城西北三里居仁坊元初燬至元二十八

年尹王茂徙於禮賢門外嘉慶坊大德八年徙府治

西至大三年始徙今仁壽坊

宋貢院 明一統志織染局在府治西北宋為貢院元

至正間改為局 徐曰曦宋貢院詩雕龍迹已空濯錦水亦涸文章變歌舞掖庭夢如昨野

花秋斑斑寒煙晚漠漠蝴蝶吹西風繡衣亦零落

元錄事司治 天啟府志在府治西仁壽坊即今西安

縣治

元萬戶府

[方輿紀要]元置鎮守保甲萬戶府[信安志]

在錄事西居仁坊

元蒙古學

[宏治府志]在府西北四百步金紫坊至元

十八年始設教授

南園

[宏治府志]在郡城有春風樓

登春園

韶光園

[宏治府志]並在郡城

菱塘諸園

[天啟府志]郡城東隅今即楊公河[舊志]塘

闊近百畝中有長堤亘數十步環池島嶼縈紆竹樹

西安縣志

卷十四

古蹟

三

茂密東有邵祭酒之野航趙別駕之雪齋劉二卿之

壺中天宇余甸公之東湖道院趙安慶之更碧樓劉

南安之退庵西有劉江陰之別墅毛紫薇之水國秋

陸衡陽之環勝

[舊志]今察院後皆為田城中腴產也其地名塘田大率即此塘之淤墊而

成故有此名相傳元末此地仕宦最多閭閻極盛號

金紫街明開平王破城時被兵燹無遺市廛室廬既

廢塘遂無主漸至淤塞或由於此[胡森]菱塘懷古詩

小朝廷壞金甌失眼見西湖老葑塞烏衣王謝此城

東樓閣潭潭俯沈碧白楊何妥青楊蕭名家祗隔宛

虹橋引鯁才子能操柂祀馬詞人解謚簫別有豪家

大堤畔彩鸞簾額垂銀蒜紫雲明月出波中絳樹歌

聲落天半頗黎十頃搖青天百年蜃氣如飛煙斷釵

折戟破地得鯨面野老鞭春田君不見襄陽岸淮河

曲豬鬪笑殺習家池蚓泥污滿嵇康竹白翎雀雁商

聲空江城畫角吹西風
凌歌何處水煙滅瑟瑟斜陽秋
草紅

雁序館 **名勝志**在郡城西唐咸通中刺史趙璘與其弟處州刺史瓚會別之處

皇華館 **陸游**奏乞奉祠畱衢州皇華館待命詩世念蕭然冷欲冰更堪衰與病相乘從來幸有不材木此去真為無事僧耐辱豈惟容唾面寡言端擬學銘膺尚餘一事猶豪舉醉後龍蛇滿剡藤

按舊志藝文載放翁此詩題中節去皇華館三字而皇華館標題又將放翁寓舍偶興五律載入今從劍南詩稿改正

西安縣志

卷十四

古蹟

四

崇蘭館 **圖繪寶鑑**趙叔問居三衢治園築館取楚辭之義名之曰崇蘭嘗與陳簡齋程致道從容其中命

貫道為之圖及令畫史各繪像其上乃賦詩焉

龔大釗訪

崇蘭園詩王孫自瀟灑容易退丹墀卜築有仙地連吟香草辭虎頭添畫頰龍種出奇姿太息未千載高風孰與期

龜峰堂 **輿地紀勝**在府治內

雙檜堂 **晏公類要**在州衙宋開寶七年建刺史慎知

禮記

得意堂 **趙抃**宿故梁子得意堂有感示諸梁英少詩

遺訓素諄諄先生冢尚新門風競蘭玉鄉譽動簪紳

戶牖宵排燭琴書晝拂塵子孫為學盛宜有起家人

獨清堂

名勝志在殷浩廟側清獻舊遊之地

姚寶燿獨清堂

詩清獻清不俗物有琴鶴龜龜亦放去但留一琴隨材是雷氏斲銘為蘇子辭彈何必無絃撫何必無詩清風而濟世淵明或難之故應名其堂非以矯世移牆東尺咫地遷客餘空祠高名豈不立蒼生何所期代往無刻責哀來生涕洟四顧難久停夕陽草離離

清陰堂

名勝志在南禪寺趙清獻舊蹟

崇恩堂

天啟府志在西安縣狀元坊內宋留怙登進

士仕至開府建以寓報本之意

西安縣志

卷十四

古蹟

五

雙石堂

輿地紀勝在州治廳左宋紹聖中守孫賁建

承澤堂

舊志在孔家廟西子孫祭畢燕享之所

夢山堂

在孟瀆坂宋寓賢王珉作

陳傳經夢山堂詩格天有閣峙西湖

煙雨樓臺錦繡鋪眼底吳山眞錯愕夢中少室未模糊嵩陽蹠馬歸何日穀水盤龍臥一圖莫更臨風思良嶽卿雲掃落鐵浮屠

思政堂

天啟府志在郡治宋守張嶠作

張嶠思政堂記郡既作堂

於廳事之後榜曰思政蓋取子產政如農功日夜思之以為名也**舊志**今改明德堂

超覽堂

宏治府志郡守吳興施公作

毛开超覽堂記見藝文鄭仲熊

詩萬疊雲山橫遠翠千家樓觀挂斜虹徐嘉詩峭玉高峰環地起潑藍遠水拍天流風亭月榭千家樂鐵

幹銅枝古木稱徐大忠詩咄嗟高棟倚層空振古奇
觀驚未識桃花春暖意如迷凍雨聲來雲潑墨天青
一紙雁橫書雪
白千林梅著色

景高堂

宏治府志宋蕭忱作於郡治之後圃

閩人阜民景高

堂記大理丞永嘉蕭君忱以面對論當世務切於民者上嘉納之於是剖分左符至衢訪民疾苦抑損先已期年民益安之郡之後圃初有庫屋五楹荒圯特甚乃仍其舊敞以軒楹環以流泉爰卽中楹列三賢繪像清獻公里居孝弟所應繪事而范太史之系實寓居超化寺代有令聞視衢爲歸紹興制旨且命范氏經理司馬文正之緒范所寓則文正公之所寓也乃以文正太史三像參繪清獻名其堂曰景高使元祐風烈奮厲乎百世之下豈特爲登覽煙雲嘯咏風月已哉

雙桂堂

宏治府志在府治西韓徽猷宅

費履升雙桂堂詩誰知龍

西安縣志

卷十四

古蹟

六

額亦王孫壞屋秋風徧草痕惟有
婆娑金粟影夜深還落故侯門

塵外堂

天啟府志在郡治

毛开塵外堂詩地勝無遠邇渺然契高躅山色潤窗

扉爐煙淨花竹玩世久忘名采眞
固疑獨門外三尺塵先生睡初足

昭慶堂

宏治府志在郡城和豐門內宋吳煥建

中和堂

徐夢龍復建郡治記郡治舊有堂曰中和

高齋

方輿勝覽在西安縣治北舊志宋趙清獻公歸

建此齋有十詠後人肖像於此祀之又有濯纓亭逸

老亭水月亭皆朱文公書扁

葉少蘊避暑錄話趙清獻公自錢塘告老歸錢

塘州宅之東消暑堂之後舊據城闌橫爲屋五間下
瞰虛白堂不甚高大而最超出州宅及園圃之中故

爲州者多居之謂之高齋既治第衢州臨大溪其旁
不遠數步亦有山麓屹然而起卽作別館其上亦名
高齋既歸惟居此館不復與家人相接趙抃退居十
詠軒外長溪外山捲簾空曠水雲間高齋有問如
何樂清夜安眠白晝閒右高齋池閣孤清矚碧流太
虛懷抱物華秋圓蟾默有中宵約幾點閑雲爲我收
右水月閣魚不能言似可哀竭池千數共徘徊穀江
深處呼童放羨爾優游得所哉右放魚少年親手植
雙松晝愛層陰夜聽風今日歲寒踰五紀也應心似
主人翁右雙松暑威何處稱疎慵百本修篁小檻東
時遣清風送消息此君都在不言中右竹軒動入和
風靜惹煙翠條疎處露池蓮林中最是能吟物春有
黃鸝夏有蟬右柳軒密徑修筠郊外居小亭隨意俯
歸與等閒早暮攜筇到池沼東頭是舊廬右歸與亭
亭上秋登遠目明濯纓誠不是虛名晴波一片如鋪
練浮石江心徹底清右濯纓亭累歲辭榮得帝俞老
來天幸更誰如腰間已解黃金印歸有田耕二頃餘
右負郭田烏巨東西氣候秋子湖岡隴暮雲浮欲觀

西安縣志

卷十四

古蹟

七

古佛叢林地只用憑欄一舉頭右望南山又濯纓亭
七律靜處高齋晝杜門溪亭來往間開樽釣臺逸老
心非傲浮石仙人跡尚存對岸煙林雙佛寺隔灘風
笛一漁村濯纓豈獨存吾志清有滄浪示子孫蘇軾
寄題趙閱道高齋詩見公奔走謂公勞聞公引退云
公高公心底處有高下夢幻去來惟所遭不知高齋
竟何義此名之設原吾曹公年四十已得道俗緣未
盡除伊臯功名富貴俱逆旅黃金知繫何人袍超然
已了一大事挂冠而去真秋毫坐看猿猱落豈網兩
手未肯置所操乃知賢達與愚陋豈直相去九牛毛
長松百尺不自覺企而羨者蓬蒿我欲贏糧往問
道未應舉臂辭盧敖錢紹武高齋次東坡韻詩世途
奔走空勞勞先生勵節風雲高功成名遂足恬退心
惟淡泊安所遭構齋故園稱疎放不矜勳業齊蕭曹
七條冰絃彈獨夜一隻野鶴鳴寒臯林泉之樂樂如
是奚戀當日冠與袍卷簾空曠更清絕塵累詎使畱
纖毫脩篁萬竿松百尺想見瑩冰玉操浮雲富貴
直何有盡付流水漂鴻毛伊人可懷德音杳白駒在

谷鹿食蒿至今千載緬

軌此身安得從游敖

按舊志逸老亭逸誤送今從于奕正天下金石志改

正藝文內水月閣作池亭望南山作巨山今從清獻

本集

改正

南齋 **趙抃題葉坂梁氏南齋詩**我愛覺堂用意精義

方垂訓為趨庭學雕白玉期成器教積黃金不似經

滿架簡編終歲樂擁門松竹四時青諸生有遂登榮

者一月光能掩衆星

怡顏齋 **胡翰怡顏齋銘序**衢之超化寺昔朱子呂子

嘗寓焉寺故有雲山閣怡顏亭悉廢矣惟朱子所書

西安縣志

卷十四

古蹟

八

亭扁石刻余於祝仲文家見之仲文有吏能退居委

巷遂名其齋曰怡顏乃為之銘

徐崇奎怡顏齋詩紫陽逸老精藍筆一日

陶潛小室開淒絕南朝煙雨色只畱蕭字載歸來

雪竹軒 **名勝志**在郡齋有屋二楹中檻植竹敲風擊

雪音韻鏗然

王紹羲雪竹軒詩官齋燒榭柎夜色明西園此君抱清骨與客同歲寒泠泠自

生韻皓皓方當軒神若受月冷意豈因人溫鶴聲亦夏夏愁損青琅玕

徵夢亭 **晏公類要在州衙東唐豆盧署建**

鍾輅前定錄豆盧署

初名輔真貞元六年舉進士下第將游信安以文謁郡守鄭式瞻甚禮之因謂曰子復姓不宜兩字為名因書著助署數字以與曰子當自擇之其夕夢一人謂曰聞使君與子更名當四舉成名四者甚佳後

二十年爲此郡守因指隙地曰此可以建亭既寤
之四者署字也遂以爲名既二年又下第以爲夢
徵後二年果登第蓋自改名後四舉也太和九年自
祕書少監爲衢州刺史既至周覽郡內得夢中所指
地遂建一亭名曰徵夢亭葉曰秦徵夢亭詩浙西有
亭名夢兒靈運寄養曾在茲浙東有亭云徵夢豆慮
游宦遠堪追人生蟻穴一夢耳無非造物游戲之當
其下第來信安神曰定名四者宜詎料廿年後守此
合符適成一段奇作亭周覽郡治內夢裏指點如列
眉嗚呼黃梁未熟一生了夢中說夢何其癡莊周蝴
蝶頗自在蕙帳
一空猿鶴悲

龜峰亭

輿地紀勝在舊郡治內

浮石亭

在拱辰門外浮石渡嘗考舊志有孟郊崢嶸

嶺爛柯石詩後讀郊集又得浮石亭詩或恐非此地

西安縣志

卷十四

古蹟

九

因讀趙清獻集有浮石仙人遺跡在吾廬江畔釣魚
磯又浮石仙人蹟尚存合之郊詩結語知其爲此地
也獨怪浮石仙人事前志不載僅見於二公詩世競
傳柯山事而知此者寥寥豈仙人傳不傳亦有數耶

孟郊浮石亭詩曾是風雨力崔嵬漂來時落星夜皎
潔近榜朝透迤翠激遞明滅清潔瀉欹危況逢蓬島
仙會合
良在茲

盈川亭

韓滂礪泉日記李習之來南錄庚子止楊盈

川亭今時不見盈川亭不知何所也

辛季延盈川讀
李翱集感賦詩

一川煙靄住帆迷石泐亭荒草滿蹊桑落碧枯寒岸
北穀波紅冷夕陽西江湖鷗夢三湘遠文字龍門六

代低畢竟才華輸此
傑空教鳥籍付昌黎

臨江亭

李習之來南錄辛巳至衢州以妻疾止行居

開元佛寺臨江亭後

綠筠亭

東坡題跋愛竹能延客求詩剡挂牆風稍干

燾亂日映萬夫長谷鳥驚暮響山僧識酒香只應陶

靖節解聽北窗涼清獻先生嘗求東坡居士作綠筠

亭詩曰此吾鄉人梁處士之居也後廿五年乃見處

士之子瑄請書此本紹聖二年四月十三日

按施注蘇詩題作次韻子由綠筠堂山僧作山蠶王
注題下注熙寧元年戊申作僧亦作蠶解聽俱作會

西安縣志

卷十四

古蹟

十

聽

觀瀾亭

宏治府志南禪顯聖寺圃西鄰大溪趙公抃

作亭扁曰觀瀾

費淳觀瀾亭詩斯人日以遠清德藹
猶在江水近目前風漪晴可繪淪漣

妙自然縈迴頗有態正如醉者容盤旋更可愛受性
本不狂雖落固非隘如何崇峭厲搏激使之怪迺知

至人心淵
默欲無壞

月坡亭

天啟府志郡守吳興施公作毛开記

李耆明
月坡亭

見菊詩初陽散微和稀露耿餘明引花吸其精助我
養修齡人生憑化遷日夜枯與榮聊為寂寞游放此
真率情又我懷淵明真千載猶神交重吟九日詩風
節殊未凋良辰不再舉秋氣日以高淒飈送落景餘
霞斂塵霄萬象為我役天機亦良勞摩挲膝
間桐感此爨下焦時時出奇音散我心鬱陶

來月亭

輿地紀勝在郡圃蓮池跨橋疊石築亭於上

榜曰來月

宋理來月亭詩碧處俄生白淵然秋氣清
過橋人獨立出竹鶴先迎玉尺魚雙跳銀

河雁一聲摩挲襟
上色昨夜酒痕明

觀稼亭

天啟府志在城隍廟南下視平遠青山入雲

為城中偉觀

鄭萬育觀稼亭詩滿堤芳草碧
水穿滕護蔚藍愛煞農忙三月好雨蓑

煙笠畫
江南

風亭

宏治府志在郡城吳興施公德初建**舊志**疑即

今雩觀亭在埭堰西南挺出一道如臺界於濠間今

為雩祀之所

洪邁風亭記吳興施侯德初登城西邊
立屋兩楹而名之曰風亭凡亭之見遠

西安縣志

卷十四

古蹟

十一

則與山謀近則與水謀憑闌而左萬室了吾目中右
顧悠然村春相而漁唱響也予為寓客侯飲於其上
因記之**王登賢**雩觀亭晚眺詩覽勝隨詩客登城坐
古亭樹凝煙靄紫山人畫圖青牛背村童笛鷗鄉釣
叟矜翛然塵慮
息風御快冷冷

雨亭

宏治府志在郡城

佇舟亭

毛开佇舟亭記太守吳興施公元之治衢明

年作亭西溪之上既成請以佇舟為名而記之

蒙泉亭

天啟府志在府治平山堂後泉上

風月亭

天啟府志在郡城

黃敏德詩夕霏斂
翠綃曉雲拖素練

闡山亭

天啟府志在郡城

毛开闡山亭詩遠峰悠然
近峰轟然出作亭以延

之入眼青突兀何人切雲冠凜凜相映發有如衆君子可望不可屈平生謝宣城愛山甚飢渴笑談了官事獨往寄超逸捲簾新雨霽伏檻孤雲沒遙知樽俎外秀動龍蛇筆朝來有爽氣不待羣木脫心賞信無同佳人
渺天末

平山亭

嘉靖府志在退堂後元大德癸卯治中陳孚

作自紀以銘今改曰大觀亭

舊志即今游矚亭

日遲亭

明郡守瞿溥日遲亭記三衢多靈山惟石室

以爛柯著去郡治稍近因建亭于上取昔人春遠日遲之意顏其亭**通志**亭在柯山青霞洞側邑令陳鵬

年重葺名曰柯山亭

葉淑衍修柯山亭記見藝文

西安縣志

卷十四

古蹟

十二

豐樂亭

舊志在府治後嘉靖七年郡守王公建今廢

方豪豐樂亭記見藝文

捲雪亭

輿地紀勝在郡城航遠門外俗稱水亭門

快雨亭

康熙間郡守張公濬建有記

見藝文

聚奎亭

周召聚奎亭記在通仙門外長濠遶郭由西

而東碧水演漾一望無際有亭翼然宛在中央

詳見藝文

女樓

宏治府志在龜峰崢嶸間唐會昌中崔耿為郡

守重作名曰東武以識世封

崔耿記見藝文

按東武樓碑記唐郡守崔耿撰會昌二年立見諸道石刻錄天啟府志譌為耿自古舊志亦承其誤今改

正又復齋碑錄載崔耿有東武樓碑
陰詩會昌二年九月鐫今無考矣

雙檜樓

羅隱重過衢州弔孫員外詩雙檜樓前日欲

殘

永清樓

熙春樓 **宏治府志**並在郡城

華豐樓

天啟府志在西安縣西地名橋下**舊志**元王

中都建

王逢衢州華豐樓望柯山江郎石詩華豐樓
信美登望久踟躕木落偃王廟天寒姑蔑墟

屏開山石遠青鎖洞霞虛
不有從親役乘風振佩琚

延月樓

元葉氏別墅在城南有畫卷

朱卓延月樓畫卷記解縉延月

樓詩並
見藝文

西安縣志

卷十四

古蹟

十三

城西舊樓

王世懋二西委譚衢州城西層樓下臨衢

水頗稱壯麗上有四大字云飛閣流丹余刻一詩而

去

王世懋城西舊樓詩雨合煙霏望不窮層樓百尺
似浮空清迷橘柚寒山外白點鷗鳧細浪中遊目

豈須吾士貴賞心偏為散人雄不知醉後題姑蔑可
得東陽八詠同徐之凱初學集白暉山夫子於署中

掘地得王麟洲先生遊郡城西樓詩碑偕友人
屬和詩忽窺珠玉莓苔下如見登臨煙雨中

空中樓閣

在九仙巖唐徐安貞隱此

陳聖澤空中樓閣詩仙人營別

館結構凌丹邱絕壁一千仞中天十二樓憑誰控黃
鶴攜我臨清秋日暮野雲合徘徊空復愁文正詩樓

外天風花片片巖邊苔雨篆斑斑如何不見飛仙迹
只有白雲時往還龔大欽詩仙靈朝罷跨鶴回窗裏

鑪煙渺無迹又好風朗月
延入樓霓裳一曲彈清秋

文會閣

宏治府志在郡齋即唐刺史季穀置二石處

迎暉閣

崇禎府志覺林院有迎暉閣趙抃程俱舒清

國陳俊卿皆嘗賦詩

舒清國迎暉閣詩藹藹復依依朝暉與夕暉巖花寒不落簷鳥

靜忘飛僧自眠黃葉人多夢翠微雲邊時見鹿飲水近禪扉

稽古閣

困學紀聞衢州稽古閣書臯陶謨于屏其上

梁文云臯陶若稽古事三朝稽古之君孔子與斯文為萬世斯文之祖

按宋大觀二年九月乙丑大興學校詔天下州學經史閣皆賜名稽古見陸游婺州稽古閣記則衢州稽古閣自在府學王應麟于淳祐二年任西安主簿故紀聞中及之

西安縣志

卷十四

古蹟

十四

思魯閣

舊志在縣東孔氏家廟後下奉

夫子及

开官夫人木像像長三尺許蓋自端友孔公隨高宗南

渡時抱負以來者吾郡士人得以歲時瞻仰亦有生

之大幸也

鄭鵬飛思魯閣詩敢云於越非曾到遂謂斯文不在茲

雲山閣

名勝志在郡城超化寺後城上**明一統志**宋

守張嶠建

趙子畫雲山閣詞調寄憶秦娥臨高閣亂山平野煙光薄煙光薄棲鴉歸後暮天吹

角斷香殘酒情殊惡西風趁起梧桐落梧桐落又還秋也又還寂寞

從山閣

夕佳閣

環映閣

景高閣

宏治府志並

在郡治

橫山閣

通志薩天錫有題烏石山仁王寺橫山閣詩

薩天錫詩千尺青蓮座煙霞擁地靈山川幾緡屐日

月兩浮萍鳥沒天垂海龍歸水在瓶深堂說法夜應

有石

頭聽

芙蓉臺

宏治府志郡城崢嶸山舊芙蓉臺在其處

方榮

本芙蓉臺懷古詩遠翠寒猶在高臺

迹已空將軍餘戰地四面看芙蓉

采月臺

明一統志在府城中宋時築

鄭孔庠采月臺詩八萬二千戶

光景玉盈指幽人學

采吸夜夜踏秋水

景高臺

明一統志在府城中

西安縣志

卷十四

古蹟

十五

四宜臺

康熙間郡守張公濬建有詩并序見三衢稿

殷浩宅

元豐九域志在西安縣基地猶存土人號曰

殷牆天啟府志在西安縣南六里信安故城中浩在

晉為中將軍建元間北伐為姚襄所敗廢為庶人貶

居于此其址猶存道旁有小石室其神為介胄之像

毛奇齡過新安殷浩宅示田甥詩有序浩北征廢徙

後惟韓甥隨經年因詠曹顏遠貧賤親戚離送甥江

涕泗橫流予過信安城南宅乃不覺有傷于心亦示

甥云爾當年殷浩南遷日無復親知相伴行今日一

過殷浩宅教人流涕對韓甥胡森訪殷浩宅詩神州

嗟陸沈北伐事已晚桓氏開英聲露志日驕蹇朝廷

急內訌前席起蜚遁功名喪祖劉危事付嵇阮一跌

果不振遂冷叛臣眼東山亦養望淝水業不損此豈

必天幸兒輩實超健驅雞猶有官縛虎竟脫圈江左
悲奈何穀水清可浣胡爲仰溫面一函至再掩詎至
髻鬣羞竹馬獨繾綣咄咄今不聞書空雲一片又南
山晴日斜叢祠鬧簫鼓坐上殷將軍猛氣塞殿廡書
生事不幸勳伐墮榛莽竄入麋鹿羣何更獮貔伍山
民喜殺伐銷金壯厥武中扇笑諸葛裘帶陋羊祐兜
牟與瑠戈裝滿一軀土軍雖化猿鶴厲必戮豺虎捉
塵實亡國不如執干櫓里巫跳舞來靈風若有怒莫
陳羲之詞神
淚落成雨

陸宜公宅

舊志贅至衢見龜峯之秀南有爛柯北有

浮石遂僑寓于城北置田千畝後以德宗召入長安

捨田給大中祥符寺遂建祠繪像於本寺右首春秋

祀之

姚寶燿陸宜公宅懷古詩姑昧富山水陸公曾
此居盤龍方得地飛鶴有除書諫草歸金闕天

西安縣志

卷十四

古蹟

十六

花送玉琚寺門聽
粥鼓千頃繞春渠

鄭革宅

宏治府志西安屹石山隱者鄭革居其下夜

見光怪訪其處得古劒戟二

柯煜鄭革故居詩礪風
清若琴巖月白如霧龐

公樓隱處賞心若可遇蒼
蒼煙樹中精靈自來去

任大中宅

趙抃寄大中秀才詩憶君人少與買舍穀

江頭

王安宅

名勝志西安翠微山宋招討使王安所居

謂

王安故宅詩斯人高躅何人繼鶴怨猿啼幾
百年我欲梯厓架一广自驅黃犢種山煙

陳師錫宅

宏治府志在府治西南隅宋崇寧間陳師

錫謫居于此民愛其賢故稱陳殿院宅

成默宅 在禮賢門外

詳隱逸

毛自知宅 **舊志**臥龍山下為宋狀元毛自知所居

孝弟里 **宏治府志**在西安縣北五里初抃喪繼母與

弟拊廬墓縣令過勗榜其里曰孝弟築闕立表樓鑰

為書忠孝之家**陳仁玉清獻公集敘**開慶己未仁玉

自講厦受遣馳至太末未至城里許見有表曰孝弟

里者知為清獻趙公故所居也題顏漫漶門堠欵傾

惕然不自安亟遣葺之而以蘇長公所書扁刻之

郡守

西安縣志

卷十四

古蹟

十七

林明倫出北郊過孝弟里有感并序衢州北門外三里許有孝弟里宋清獻趙公讀書處也其右數百武即公廬墓之所康熙辛丑有富豪艷沙水之勝以計構求之將窀穸于其側券既成協鎮馬公璘捐金贖焉昔公在衢有八政至今猶載口碑此其一也適過北郊感其事因志以詩清獻盡人倫風清孝弟里遙遙數百年厥地生荆杞堪輿術誤人棄天論地理豪右然其言諷詢葬伊邇公為保茲邱慷慨典簪珥我愧泣三衢覽右感泰否藉斯仗義人清獻得不死公餘出北郊苔深舊廬址

按林詩見穆庵集其言馬公捐金贖地事洵足慰前賢於地下而為豪猾之警矣查乾隆間復有某盜葬越國夫人古穴者嘉慶二年紳士具呈公稟奉前守朱拘禁押遷可知營地理而昧天良卒有敗露之日且必不能昌其後也

謹識於此以戒後來

慈幼坊

舊志在北隅今為縣治

梅巖精舍 宏治府志宋宣和間郡人毛友子开鄭可

簡子待問隱居不仕築室梅巖扁曰梅巖精舍 余懋中梅

巖訪古詩青溪甲第爛成灰別墅荒涼謝壑哀倒地

疎花寒魄死遠巖怪樹戰聲來仙人騏驎排雲仗詞

客虹蛻吐殿材安得凌霄齊握手更鋪瓊海擲千杯

范崇模訪梅巖精舍詩幼輿邱壑未忘情弔古寒山

感慨生失去琪花空礪水飛來巖葉作秋聲金船飲

罷人千里銅鉢敲殘月一楹我欲雲間騎白鳳橫吹

玉笛徧

江城

橋南書院 陸游渭南文集橋南書院記吾友西安徐

載叔豪雋人也博學善屬文中年卜居城中號橋南

書院 詳藝文

西安縣志

卷十四

古蹟

十八

東莊 徐載叔藏書之所見劔南詩稿注 陸游寄題徐秀才載叔東

莊詩次公醒狂何必酒直諒多聞真可友萬籤插架

號東莊多稼連雲亦何有今年偶入長安城不識貴

人呼作卿南臺中丞掃榻見北門學士倒屣迎郎官

酸寒誰肯顧君來下馬談至莫東莊雖富未可矜更

要縱橫

開武庫

釣漁庵 在崢嶸山東北隅考宋陸放翁題徐載叔橋

南堂圖詩雪盡春生水似藍想君清嘯釣漁庵南宋

士大夫別墅多在城東北隅意此庵在菱塘舊地也

今為涔蹄矣葉鶴仙與張筠莊徐晴江諸君過之作

詩云陸公與友定非俗載叔何人知者無多少朱門

蓬塊裏一竿何處認珊瑚

洞庵 宏治府志在郡治塵外堂旁

倚雲山房 崇禎府志在青峒峰方應祥徐日久讀書

處

范瑀倚雲山房詩山中數間屋讀書方與徐心共白雲遠聲和清磬疎開函千古破良會一庭舒蓮

座西風冷來尋舊日居

葵圃 明徐可求築中有予逸軒鴻石堂靜園六清渚

磬折溪小青霞佛閣寧澹齋木石居問葵堂擬雲山

閣凌湖芙蓉灣月波橋梧井水雲鄉丹房壁觀齋露

臺玉照亭畫舫小友軒青來館萬卷樓蒼蒼閣松風

西安縣志

卷十四

古蹟

十九

磴翠微嶺可求自有詩而應臬爲之記或謂卽古菱

湖葵翁又自疑爲清獻高齋遺址徐日嚴詩菱湖古

跡牛桑田此日開渠意宛然何三畏詩太末之城東

北隅陂塘蕩漾古菱湖可得其彷彿矣應記甚詳惜

已軼其前段葵圃詩選入藝文

白蓮池

府志在府學東普潤庵後

相傳正誼書院卽其地池尚在水甘

可飲嘉慶初重建書院掘地得一古碑隨爲工匠毀棄

石橋

唐信安王禕有柯山石橋詩見藝文

宋理遊石橋詩晉代

樵人去唐年刺史來丹虹誰一跨白鶴欲飛迴樟日寒巖淨松風暮壑哀六朝詩格在守護亦仙苔

仙人碁枰 在爛柯洞

陳聖洛觀爛柯洞仙人碁枰詩
山中日月閒伐木聲旦旦人世

門蠻觸消此一局看未應惜斧柯馬鞭亦摧爛今我
來山中木葉春幾換楸石如砥平黑白已漫漶洞口
雲陣馳夜中星斗煥不
聞剝啄聲山花紅歷亂

和風驛

舊志宋紹興中郡守襄陽張公建廢久基址

無考

毛开和風驛記見藝文陸游詩驛
門上馬十峯雪寺壁題詩一硯冰

按舊志藝文載文信國信安驛詞雨過水明霞潮迴
岸帶沙云云非衢之信安也考

欽定日下舊聞引永清縣志云縣南信安鎮即古信安軍
也北隸永清南隸霸州文信國被執北行次信安館
人供帳甚盛信國達旦不寐題詞於
壁乃其地也舊志誤載故附記於此

小峨眉峰

名勝志在郡治前唐乾符間刺史季穀置

西安縣志

卷十四

古蹟

二十

砦龍山得石長六尺許取置文會閣宋淳化間郡守

慎知禮移植於此積土為峰後遂謔為郭璞墓紹聖

中郡守孫賁發之因得此石移置堂中宣和間郡守

高至臨復移歸故處相傳為峨眉山正壓郡治故置

此以對之因名小峨眉明郡守李遂又發去雙石植

遊矚亭之側有記

張邦基墨莊漫錄衢州廳事下舊
有土勢隆起相傳云古冢也舊有

碑其文云五百年刺史為吾守墓以此前後相承皆
畏而不敢慢紹聖元年齊安孫賁公素為守問之左
右以是對公命毀之官吏大恐公曰藉令土中有賢
者骨當以禮法遷之乃為文自祭而除之勵深丈
了無他異但有二石峰長五六尺堅瘦泔潤又有
木根蟠踞其下羣疑遂定石上刻云乾符五年五

三日安於此押衙徐諷龍山起此石處得二石刺史
季某題又刻云開寶七年重疊峨眉山於廳事前於
郡齋文會閣移季公之石安置於此刺史慎知禮題
時公素方修州治南韶光園重建清冷臺堂成乃移
二石於堂下名曰雙石公素可謂剛毅正直自信之
君子也田汝成桂林行記嘉靖十七年遷廣西布政
左參議以七月七日啟行癸未過龍游行三十五里
宿安仁鎮甲申過衢州府治有土埠號小蛾眉峰或
言郭璞墓也知府李邦良竟遷之得石筍長六尺許
勒云唐刺史季穀置歲久湮沒土中形若覆釜譌爲
郭墓云乘風行二十五里宿石塘街
李遂記見藝文田有石筍行不復錄

戰龍松 在柯山相傳有朱晦菴書戰龍松三字碑乾

隆間猶存斷碣今失去 周召詩綠字已銷龍戰
樹紅亭空隱鹿鳴山

古樟樹 舊志在縣東十五里蔭地百餘畝徐之凱初

西安縣志

卷十四

古蹟

二十一

學集遶樹得三十四步

胡森過樟樹潭詩幾千百年
潭有氏三十四步盤高村雷

靈無聲醜魅去風雨不戰
石橋五枝其耳孫樟公若此人叫絕豫章過客鏤吟
魂注城門句
本吳越備史

五枝樟 在柯山石梁側

王榮綬五枝樟詩名山具仙
靈茲木亦奇變交枝自聯合

接葉互葱蒨會應見
彭侯服食凌霄歎

